



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Scriptores Ecclesiastici Ordinis Cælestinorum. cap. LXVI.

urn:nbn:de:hbz:466:1-38372



RATER Iacobus de Leccio ciuitate Apuliæ, Monachus Ordinis Cœlestinorum, Paulo Papæ IIII. summe carus, scripsit,

De consolatione Crucis, lib. 1.

De cœremonijs Ordinis sui, lib. 1.

De vita S. Cœlestini Papæ V. lib. 1.

Martinellum contra Lutheranos, lib. 1.

Quæ omnia excusa dicuntur, sed vbi, hæctenus ignoro. Alia insuper edidit, quæ nondum impressa sunt.

Frater Ioannes Gerson Gallus, Monachus Ordinis Cœlestinorum in Monasterio Lugdunensi, & eiusdem Monasterij Prior, Cancellarius Parisiensis, Petri de Aliaco Cardinalis Cameracensis olim discipulus, vir in diuinis scripturis eruditissimus, & secularis philosophiæ non ignarus, scripsit tam metro, quàm prosa multa præstantissima opuscula, pietatem maximè concernentia, quibus nomen æternum sibi promeruit: quæ omnia simul impressa sunt in Tomis Tribus anno 15. . . . in folio, &

Separatim vero excusa sunt, Summa Theologica & Canonica in sex libros digesta, Venetijs anno 1587. in quarto.

Monotessaron, hoc est vnum continuum Euangelium ex quatuor Euangelistis concinnatum, Colonia, anno 1586. in octauo.

De imitatione Christi (qui à nonnullis excudi iussus est sub nomine Thomæ de Kempis, sed qua id ratione fecerint ipsi uideant) excusus Venetijs anno 1488. in octauo, & 1544. 1561. 1567. 1572. & alijs infinitis in locis, tam latine, quàm etiam Gallicè, Italicè, Hispanicè, Germanicè, & alijs externis linguis.

Fuit personaliter in Concilio Constantiensi, quo dissoluto, domo, patria, cognatis, amicis, dignitatibus, rebusque proprijs pro veritate tuenda priuatus est, & multis insidijs expetitus: unde necessitate compulsus ad monasterium suum Lugduni confugiens, ibidem diem obiit anno Domini 1429. ætatis suæ 66. die 12. Iulii.